

敦夙好齋詩全集

敦夙好齋詩續編卷五

丙辰九月至十二月

漢陽葉名澧翰源著

薇省二集五

食蟹用九蟹全韻同王少鶴同年作

西風送寒潮水族產尤夥自從旅食來每思南珍買詰朝忽動指供餐喜見蟹助我朵頤甘勿以饕腹駭含黃

久封伯嬌白勝垂嫵烹煩鼎娥陳

沈亞之謂厨婢爲鼎娥見表異錄

刃

謝庖丁解忌柿味難兼配薑汁用灑語配蠶則續筮逢離之解徵文詞客繁乘興與漁艇裊連畝穠稭香逐隊竿

簪躡仄行傲露霜偷生附蘼蕒雌雄辨團尖戈矛恣擊

賊努目儼張鵬作勢宛怒獬身如鬣背凸跪比駝蹄枴

釋蛻稽異同

廣雅蟹蛻也集韻蛻蟹六足者

從魚證鉉錯

蟹或從魚見許氏說文鉉

錯謂大

泥塗不避污蹢跚可云駮苦畏充煇烝

說文煇烝也引

詩作烝

何由縱溟渤觴佐吏部豪符剖監州罷歸帆秋

夢遙傍舍燈火矮健啖象戒饕除邪冠思薦何如長卿

文一時奉模楷

從市肆購得甌硯旁有篆文二曰石羊

古祥字

不解

何義或唐以前宮苑等名耶

苔篆氤氲費研摩唐宮漢苑問誰何求材漫數澄泥貴
濡墨依然作鏡磨俾我文章垂世永唐韓文公仙硯銘
文字之祥君家其昌
視君圭壁結交多馬肝鴝眼紛成贗至寶休教宋客
譌

同汪仲穆游聖安寺

經歲未停轡款關尋昔游穹碑遺色相

碑無文字

敗壁走螭

蚪闐寂閒禽語支離病衲留欲詢塵世劫斜日滿中州

此地昔名

東湖柳村

又過慈仁寺

啜茗最幽處秋高不厭風暮天餘眾綠禪室一孤篷來
去心何著參寥訪許同徘徊廣庭下松籟鬱寒空

過蒲城相國王文恪公宅有感

公爲丁酉
鄉試座主

平生知己最難忘豈獨情深選佛場邸第從來少私謁
蓋棺當日有遺章隻雞冷落橋公墓蔓草侵尋陸氏莊
多恐史臣書未盡秋風獨灑涕千行

永樂禪林榆葉梅秋日復開

不待東君護淺芽靈枝獨秀梵王家天高未許儕繁宿
秋老如何冠百花澹襯簾波斜日豔瘦依牆隙冷煙遮

他生莫被多情累零落西風祇自嗟

伍翰屏給事

輔祥

今年五十以述懷屬和因賦長

歌爲贈

長安車馬二十年與君人海相周旋君生丁卯我辛未

四年以長差隨肩阿兄阿弟球琳耀奚止聲名推兩到

謂令兄瓊甫戶部濬祥

令弟緯東大令奎祥

金蘭共譜敘交親雲飛雨墜離

腸繞惟君與我常委蛇退食款門時慰勞東南烽火高

嶙峋

天子宵旰殊憂勤君今五十未爲老致身有策排風雲

那能淹蹇氣終屈何不早令四海回陽春大河南北旱
無備晚禾未登蝗爲厲先生風事動

九重頃刻甘霖四郊被但令時象警憂危自見休祥化
災崇酬君酒爲君歌去日莫追來日多百年須會了吾
事亟除稂莠登嘉禾酒酣起舞毋蹉跎我詩未足風雅
科關山雨雪歲將暮齊聽擊鼓賽社賡猗那

君上書陳捕蝗要法

並令直省歲暮舉行
蜡禮上允所請

感懷次高玉山吏部

士濂韻

秋風幾日動庭梧蟹舍漁莊夢到無退直蕭寥燈燭共

閉門惆悵月輪孤旅愁難盡看歸燕大澤何因化短狐
極目天涯歸興阻欲從江左問夷吾

孔繡山同年續錄詩卷道光庚子以後所作也屬
爲校訂二首

生計蒼茫且莫論十年前事一編存賓朋磊落黃初彥
裙屐聯翩白下門窮後文章餘老筆竭來兵火感離樽
西窗振觸渾疑夢短鬢蕭疏燭影昏

君與同人文謙每
止宿名澧齋中

與君夙抱託聲詩冠帶年華久自奇名下無端虛譽徧
箇中強半寸心知閒尋邱仲橫殘笛醉笑山公倒接離

它日更成酬唱集千秋好付兩家兒

送吳伯鈞鹺使

國俊歸福州任

送客值重九淒淒疑雨風一官羈簿領半載聚萍蓬水

驛寒潮闊禪廬楔飲空

謂慈仁寺展楔之會

仙霞歸去遠相憶畫

圖中

君有燕臺錄別圖

汪仲穆邀往城南訪菊至龍泉寺蔬飲

等閒桐帽與襪鞋携手清游願未乖忽漫題糕佳序近
偶思采菊故人偕風高韋曲山如沐秋淨招提地少霾
且喜遠公容載酒醉中不礙結清齋

重陽前一夜

堅坐難成寐何因
慰寂寥堆槃餘燭淚
高館聽商飈久
負簪萸約明思蠟屐
遙客懷殊莽蒼莫遣此殘宵

慈仁寺重修顧亭林先生祠同人於九日舉行秋祭釀飲

祠屋三間傍老椿
掃除蛸戶滌餘榛
廊楹未具遺規在
風雨猶依古德鄰
樽酒一堂申宿好
瓣香千載式先民
舊聞他日誰增記
歲月嬋嫣視翠珉

朱伯韓作記王少鶴
詹書孔繡山置

石名灋助貲募
勒嵌諸祠壁

是日遊白雲觀謁邱真人象又至釣魚臺登眺得

詩二首

燕九風光記昨尋暫離塵土卽蕭森詞流歡讌簪萸會

仙府逍遙駐景心尙見雪山圖往蹟

白雲觀中有近人所畫邱真人雪山

應聘圖

恍聞雷壑噴餘音

觀西舊有琴臺金時承華殿古琴二日春雷日玉振真人得其

一以付弟子冲和潘公藏弄因日琴臺

良宵擬就瑤堦宿白鶴停空月滿

林

阜城西數里來去競馳驄士女嬉游地幽燕土俗同泉

聲喧夕日木葉下微風有約尋詩侶登高感暮鴻

釣魚臺登

高游人甚眾蓋
都城舊俗也

讀梅伯言丈

曾亮

詩集感賦

今年春卒于袁浦詩文集凡三十餘卷楊

至堂河帥以增屬

高君均儒校刊

苦憶宛陵叟銜杯共洛京笑譚千載上燈火半宵明遠
道成長別遺文仗友生傷心垂老日同谷一吞聲

寄高北平布衣

均儒

故人吳季子

稼軒

宛轉說君賢旅食辭簪組江淮積歲

年每憂人事改好藉著書傳何日携樽酒狂歌共一氎

微疴初愈秋夜作

蟋蟀聲聲枕外屏起看秋色掩重局未霜節候叢花媚
不夜簾櫳皓魄停肘後有方休自試樽前無事那須醒
涼宵正好依燈火坐誦陰符一卷經

題符南樵淮樓聽雨圖

南樵爲周保緒教授濟弟子教授歿後南樵寫圖以

紀舊遊

未識荆谿叟圖成爲愴神著書追柱下老屋倚淮濔雨
歇人何往樓荒草不春載尋思舊賦謂潘回農師韋竹坪職方我亦
感情親

市中見獨輪車載未開菊求售者

北地黃花晚重陽令節過無錢衣可準

韓詩牆根菊花好沽酒錢用縱

空衣可準

灑酒意如何曉市牽車貴殘秋細蕊多似聞豪吏

宅

豪吏見漢書

上日伴清歌

近年花舊蓄菊有留至正月始花者

夜過陳凝父寓舍留飲

凝父將出都

敝車隨所詣鎮日爲誰勞折柳將離別持觴且詠陶林

端風色聚戶外月華高欲去還惆悵荒雞莫再號

九月望日同汪仲穆朱伯韓蔣叔起楊汀蘆陳凝

父晚至龍泉寺飯後步月始歸

傍郭秋氣深聯傳睇寥夔稍稍殘霏收曖曖斜日暝精

廬清若空密坐心與淨逃禪吾未能尋幽綜厥勝忽驚
風雨作起視夜光亘金波皓三五璧彩表圓正至趣難
爲宣餘醒嗒如醒散步巾服偕傾耳松篁併愛客茲桑
門後期指昔徑悠悠方外思回顧儼巖磴

途遇陳凝父邀訪朱伯韓得覩伯韓近著汪仲穆
亦在坐

主賓文貌廢三子見深情倦旅依書帙高懷對茗鐘我
如思侶鶴時慕掣波鯨揮手卽陳迹淵淵金石聲

仲穆伯韓

凝父三
君同卷

寄陳九香郡倅二首

淮水昔言別風吹孤月明閒官容著述野驛倦逢迎飽
聽號寒鴈相思短燭檠如何吾輩事垂老以詩鳴

涕淚灑江天迢迢望眼懸懷歸莽烽火結社待幽燕暮

景看花得餘閒載酒便殷勤千百語好爲訊斜川

謂令子凝

甫舍人

道光辛卯陳君九香在都以所藏坡公紫雲硯拓
冊索詩忽忽未報今年秋令子凝甫乞假省親穎
上臨行爲賦長句

陳侯豪宕今坡翁等身詩卷欣所宗篋中一硯索題句

廿年未報心忡忡審視款署紫雲字六年十月惟元豐

硯側左隸書紫雲端三字又行書宋元豐

六年十月十一日東坡刊於承天寺中 承天寺裏遊

屐逢一庭荇藻交空濛張老餽墨唐生筆荒靈莫辨他

山攻考東坡集中張夢得懷民贈墨二枚當爲是年事

公記唐垌林夫惠請葛筆云元豐六年十月十五日醉中題又書名僧令休風字硯硯公乎獨嘅雲水中

有荒靈二字則是年冬至日事也更求壁友相摩礪硯側有銘云爾本無名託乎雲水雲

盡水窮惟一堅粹夫嘗遇之顧鑒之外閱歲幾百苦湮滯齊安城下苔花蒙方山之賢裔宛

若神明通得此摩挲不離手繞屋入夜光騰虹南堂赤

壁習游地竭來汝穎亦復霜毛同舍人才華醉叔黨名
父之子稱家風誥文百番寫未竟掉頭欲去尋喬嵩湯
湯江漢流血紅黃桑紫竹摧狂烽精靈所在辟千劫舌
耕筆耒期無窮嗟哉歲惡艱釜鍾陳侯詎以斯硯雄胡
弗揮戈躍劍清塵霄穹碑刻畫載詠

神聖功丈夫不朽匪文字君能投筆吾當從

送陳凝甫

應官幾日傍春明歸去翛然一笈輕西寺尋秋頻蠟屐
南陔迎歲好稱觥暫辭薇省花飄影又聽桑乾老樹聲

咫尺精廬無恙在良宵空負月華盈

夜聞大風雨

霜降前二日

園林暫此駐秋光掩幙燈垂一穗涼望裏星河催短景

夜來風雨誤重陽招尋城北新游屐

擬邀孔繡山及諸君積水潭爲送秋

之棖觸江東舊戰場莫笑詩人饒結習陰符誦罷禮空

王

霜降前二日偕汪仲穆朱伯韓遊斜街花市看菊

至長椿寺素食

霽色初開曉日妍斜街列肆已喧闐繁英不數僧鞋貴

花中舊有名
僧鞋菊者

真味同參佛影禪

佛書迦羅有
荀名佛影蔬

丈室依稀

聽雨夜

八月二十九日蔣叔起
招游寺中夜坐聽雨

關山迢遞欲霜天伊蒲

饌具三摩義繞屋松篁契妙詮

同汪仲穆朱伯韓兩君天甯寺訪菊

西山招我意悠然采菊欣逢乍霽天玉貌不因脂粉豔

緋痕卻傍水衣妍

菊中有名白牡丹老僧衣者

客言風日猶重九佛

散花香滿大千差喜豪驄罷遊迹登高未礙聳吟肩

入直日暮始散

貪看秋色敞重簾吏散堂空氣自嚴儕輩漸如辭樹擇

身居女界言亦老
名心未了上竿鮎清霜點鬢羞明鏡斜日依人上畫檐
畢竟塵鞅緣底事安閒何似老壘鹽

讀汪鐵庸

錫

遺詩二首

垂老方爲宰茫茫五嶺天文章慳抱負事業畢丹鉛回
憶華陽館歡逢上計年如何成永訣手校此遺編
大江南北地壇坫盛桐城餘韻思文獻羣賢範老成與
君譚藝日久覺寸心傾零落清詞在溫柔見性情

同汪仲穆許海秋訪符南樵於完顏氏半畝園寓
舍南樵留飲

一望蕪城遠秋風感不禁

南樵家揚州

園廬依半畝風雨慰

孤吟入夢寒梅發開編舊業尋加餐吾輩事身外付杯

斟

夜讀劉炯父詩卷

燈火沈沈夜已闌一編入手欲忘餐經生嚮往參濂洛

君有勤學芻言等書

詞筆淵源溯杜韓大隱且依都講席

時充補官學教

壯游休問老漁竿因君更憶松寥客遺草何時墨本

刊亡友張亨父爲炯父同鄉式好詩卷甚富尙未付梓

炯父恆以爲念亨父嘗過焦山愛其勝自號松寥山人因以

名集

蔣叔起以所藏梅瞿山先生雙松畫幀屬爲題詩

先生名清一字淵公家宣城順治時人有天延閣集

昔聞瞿山叟信宿黃海巔朝來腕底掬鱗翠雙松突兀

千百年百年知己付蔣子劫火不奪甯非天山空無人

泉石友垂老嬾逐輪蹄走游戲恍逢梅市仙歌吟思醉

烏程酒

瞿山嘗有句梅市逢人仙是吏烏程作縣酒爲名

帶經堂上飛濤吼鄉

人更爲愚山壽

漁洋集中有題畫松長歌又曾寫古人松爲施愚山先生壽今藏涇縣朱氏

間零落幾紙存太息精靈此不朽長安跼蹐多黃埃身

無羽翼淩崔巍坐君高齋忽飛動置我如在千尋臺清

風萬里蕭蕭來容成浮邱近可接三十六峰相徘徊
裹糧欲往烽煙哀天延傑構荒莓苔與君讀畫聊復心顏
開

夜訪許海秋

時自山
西入都

太行撲翠送歸鞭到及燕臺欲雪天呼舊預謀文字樂
消愁相訪醉中禪友逢素侶傾懷易僕藝黃花待客還
且共酣吟忘永夕未須蕭瑟感流年

過後孫公園舊宅

孫公園墅列衢連

國初孫退谷
侍郎承澤居此

占據清華賸此塵往

事難忘騎竹地夙因曾說覓銀年金城樹老人何在安
石墩分計未全二語有聽到鄰鐘堪一笑我生粥飯本
隨緣

同汪仲穆晚過慈仁寺

招提風晚客停車應戶僧雛解款茶逐陣歸鴉紛急雨
出林寒葉放餘霞梅花消息他鄉感芋火心情去日賒
閒向蒲團尋妙諦不愁兩鬢點霜華

示兒子

恩頤

楚水吳山劫火殘自憐身世託驚湍簿書違俗從吾拙

諫笏傳家待汝觀
歧路休貽它日悔
宦游莫作故鄉看
風聲蕭槭寒窗底
萬念消除到夜闌

偶成

未許攤書掩板扉
卻因游宦負初衣
敝車羸馬窮年慣
鶴怨猿啼到夢非
郭外青嵐含雨重
市頭黃菊冒霜肥
眼前已覺塵埃遠
徙倚風前可當歸

綠野山莊

占得城東第一廛
春秋佳日舉樽便
華堂竟付屠沽市
高榜猶爭故相年
小有亭臺逞丹碧
齊開簾幙納暄妍

攝衣更上嶢嶢石鄉思無端到鴈邊

送秋

打屋狂飊攪夢殘朝來忽訝換新寒
霜華漸欲催人老秋色翻同遠道看
照眼竹叢憐倚袖銷魂蟲語罷尋欄
關河南去兵戈滿挾纊知誰念歲闌

右安門感柳

幾株衰柳右安門策馬相逢欲斷魂
黯黯斜陽臨遠道蕭蕭風色易黃昏
漫尋煙雨樓頭夢曾對蒹葭閣畔樽
一種風流搖落盡鬢邊爲爾長霜痕

閣吏送米券至

薇省今朝快居沐收拾叢殘掃塵屋打門官隸來黃昏
半載例給官倉粟明燈照几妻孥譁供餐正笑鮭食奢
黃菊掩映盆香綻白月紛披簷影斜平生逸興渺滄海
游戲金門十幾載二頃空思養鶴謀千金枉作屠龍悔
江關兵氣悲經年故人相望多飢寒書空咄咄復何事
慚愧風人賦伐檀

賈蓉卿舍人

榮懷

屬題太常仙蝶畫冊

前年張詩
舫侍郎觴

詠怡園蓉卿
於座上遇之

丹青注籍黃繩客槐下頻番問吾宅嶺外書傳一紙來

神馬雲車倏南北

仙蝶來予寓舍者屢矣昨年崑臣伯兄以畫本見寄蓋亦時至粵東茆廨

也賈君昨與相周旋新圖示我譚因緣怡園風日麗亭

午主賓酌拜南華仙仙人昔值

高宗年瑤匣捧進階冀前神樂觀中頂禮虔風餐雪虐

猶翩躚

乾隆丁未冬至前二日事

中禁棲遲苦未久游戲人間事非

偶伴我吟成花萼編知君雅擅絲綸手

絲綸嶽嶽中書堂蝶兮蝶兮曷來翔紫薇紅藥去天近

勝汝清齋尋太常

過琉璃廠書肆

曾訪漁洋繪載書十年前事渺愁予補亡未許酬三篋

積富今難說五車暇日逍遙東郭履歸來歎傲長卿廬

海王村畔懷游侶大似黃公舊酒鑪

謂徐星伯劉燕庭梅伯言諸丈與名

澧同有購書之癖琉璃廠遼金時地名海王村

偶得羅雨峰布衣

聘

畫昆蟲鳥獸冊題後

自題甲午八月

雨窗醉後寫凡十葉每葉有蔣心餘先生士銓手題五言絕句

花之寺中僧畫筆今莫再

雨峰別號

顏顏李與錢

興化李復

堂大令鰥秀水錢樺石侍郎載聲名盛

敦夙好齋詩續編

卷五

五

昭代潑墨存性靈瑣記亦足愛蠨蛸感風詩虬蟻擢荒
穢老樹張珠絲夕陽送牛背綵綵蚌合珠轉轉蝸點黛
賦芋膠絲參長須錦翼對天趣生豪端真機溢腔內沉
茲雨風涼相與酒樽酌郭璞休自誇黃筌甯答喙驚倒
茗生翁綴語色絲碎際冬方蟄藏萬象若蠶昧摩挲觀
眾生我懷一無礙

寄甘崎人

時寄題余白門
舊居圖詩至

青山相望接松楸話到江天客共愁漉酒多情憐栗里
補茅無地問菟裘驚心戎馬歌猶壯往事雞豚局已休

想見緘詩風雨夕一星篝火映淮流

君僑寓淮上

題白門舊居圖

上元甘煦畸人

傷心莫更江南賦馬糞烏衣識何處賸有六朝山色

青夢魂飛繞白門樹滕公蔥鬱有佳城梅花清映松

濤聲何時同下山南拜緩緩春風策衛行

潤臣祖塋在江甯干

頭松及上元梅花山等處相距先隴俱不遠

同汪仲穆出游得詩二首

名藍寂寞不聞鐘竟少殘僧徑畔逢散蘅舞風驚睡鴿

虛檐納煖趁游蜂當頭枯佛心常定過眼雕輪迹已慵

有約月明三五夜携壺相對聽蒼松

花之寺

興誠古寺倚斜陽指點亭臺舊迹荒繞屋歸鴉風浩浩

際天衰葦雪茫茫地閒聊可尋禪寂僧儉何由覓稻梁

閒步空庭槐影老南柯世界話滄桑

龍樹寺舊爲興誠寺以龍瓜槐樹得名

名

十月十日偶游厥肆得新羅山人華

畫

坡公游

承天寺圖幃狂喜賦詩

坡公游承天寺訪張懷民步月爲元豐六年十月十

二日

事

黃州城郭委烽火雪堂赤壁無一可今晨入肆雙眼明

承天寺中二老行皓月升輝肅羣竅荇藻滿庭相視笑

華生腕底是邪非把臂公應許同調紫雲一硯頻摩挲

空濛雲水交相磨

前月爲陳九香賦紫雲硯詩硯旁款識元豐六年十月十一日刊於承天

寺中蓋訪張懷民之前一日也

我心洞然復一遇人間粉墨安足多主

賓茲會已千古他時曾否款雞黍展之素壁神悠然風

流想見昇平年

十月望後一日同汪仲穆何青士許海秋蔣叔起

月下沽飲

霜月清於乍啓匳停鞭瞥見市頭帘犢褲何處尋司馬

鶴唳橫空憶子瞻
看到天心禪
趣永坐欹燈
燭鬢絲添
眼中便是粉榆社
周叟蕭翁酒共拈

周叟蕭翁見
白香山詩

地安門外望積水潭

曠曠西山雲瑟瑟
城北柳西涯
別兼旬風色渺
深黝日與輪蹄親
遑計容貌醜
秋高霜霰零
客散芰荷朽
乘興聊縱觀
已覺離塵垢
迢遞層波間
如聽晚鐘吼

初冬游天甯寺

塔巔鈴語隔城風
古寺沈沈曲徑中
日落正銜山閣遠
霜寒猶賸晚花濃
醉題有客思峰泐

寺中塔射山房松
江張詩琳侍郎所

題松江舊隙地何人問韭菘卧鹿漸欣游客熟鳴聲相

有塔射圖

向畫欄中濃字本兼隸東冬二韻東韻奴同切冬韻奴

修禮部韻略今本韻略無此字不知何時仍刪去考唐宋若昭麟德殿詩思沾雨露濃興東韻字同用是唐時官韻實收此字也附記

張詩舲丈寫慈仁雙松圖付寺僧一夕爲偷兒攫

去賦此紀之並乞重寫巨幀

漫勞肱篋到祇林壁上雲煙何處尋遠映半庭猶黛色
依然盡日送濤音公權杯盞嘲空鐫李涉江湖費苦吟
欲話前因檀施在畫禪重證歲寒心

汪仲穆移居琉璃廠西巷

海王村畔做廬偏
詩老今來寄硯田
長物半肩惟襪被
名香一炷好安禪
名坊咫尺求書易
舊侶招尋踏月便
且向天涯歌旅逸
望中消息尙烽煙

唐皇甫冉詩
無機成旅逸

退直後過城西小憩慈仁寺

出戶將誰向風威
盡日驕車中殘帙
對天外數峰招謝
客耽游屐陶公笑
折腰識途憐馬足
相勸訪參寥

途間遇劉炯父出示近作自嘲詩次韻奉荅

昨遊城西郊彷彿
見鄉里禪林春已
遙孤吟憶秋士霜

高山態閒木落蟬響死歸來默惆悵萬象已如此我友
重闔居相望雲若屣褰裳衢路間但道詩興美我懷契
桑門甯非習鑿齒君老未一官詎效貢公喜容身且梟
北南面埒廡仕一經續龕燈萬言詆杯水行當濟時艱
未可築庵止芳郊花事濃蕭灑適巾履聊用羈緒宜奚
囊辦藤紙

劉炯父見題拙著次韻奉酬

雅音復何時孤吟背眾譖與子心無猜規箴互涵浸莊
叟思鷓鴣叔夜笑甘鴿養氣臻冲夷止足戒險枕匪無

窺管能未獲擊楫任手持陰符讀猛覺技癢禁散材擁
腫餘妄思廣畝蔭嫫媼足忘疲囁嚅口恆吟隱几哦離
騷醉夢付荒讖尋源首賡歌自鄒等傭賃躑躅途歧憂
單微血縷滲高覽義皇年渴慕太和飲大化旋雍熙流
氛絕災祲輶鐸日以淳風詩堂可闢微君豪翰宜翳孰
肝鬲沁繞庭朔風嚴於時萬象暗藉此圍鑪譚文章託
機紆

次韻答許海秋

及時風雨且爲歡殘歲休成閉戶歎應俗文章豪氣短

趨公冠佩曉光寒，拌將一醉稱中隱。
獵取新譚附稗官，寂寞少文絃趣永。
臥游何處不澄觀。

憶西江舊游和段芳山

承實

秋興

百花洲上舊漁莊，十五年來夢渺茫。

余壬寅去南昌迄今十五年矣蘇

圃徐亭幾游屐，湖雲山雨一奚囊。
樓臺別後塵容老，笳鼓俄驚戰壘長。
天末更逢南浦客，悲秋詩句劇蒼涼。

邀汪仲穆出游

經旬不躡城南屐，蕭瑟天涯歲序徂。
退食閉門珍晚節，銷愁無地託潛夫。
夢中潭柘支筇穩，雪後慈仁煮酒娛。

咫尺風流拋未得與君清興渺江湖

冬日同汪仲穆馮士貞瑋楊汀蘆沽酒乞士貞寫

白門舊居圖

諸君家常州

冷巷聲驚臘鼓聽歲華去我等風萍眼中何處煙波闊
座上休將酒盞停紫陌晴雲方詖蕩白門老樹久凋零
十年更訊蓉湖渡辛丑夏名禮會至常州振觸天涯聚客星

訪劉炯父歸寓後夜坐偶成長句奉酬見貽之作
斜日欲落城西垠故人齋中狂倒巾敝車轆轤十餘里
遲歸恐遭金吾嗔故人愛我詩句好向人稱說含餘津

赫蹏紙上手親寫使人感激忘悲辛與君分手愁連旬

奇文疑義言譚諄歸來閉戶傍鐙火誦君投我清詞新

君家舊居螺江濱鰲峰佳氣盤甌閩閩中文獻近可數

琅嬛門下殊璘彬

陳恭甫先生所居曰小琅嬛館

松寥詩筆超等倫

張

父疏通經詁林

香谿

與陳

頌高

兩農舍人澍然

張

怡亭文

二老別

扶幟力述原道追孟荀談易更有舜廷子

李古山文七

絃疏越餘響振歿者邱壠長千春存者索處悲無鄰與

君晚值長安道浩歌鬱鬱相吟呻君今驥足苦莫展尺

蠓聊爾隨屈伸冥心孤往時有得騷雅千載猶傳薪京

華比歲方逆旅薦牘誰與敷風塵良辰會須結游侶沽
飲不惜千萬緡因君益深吾道感豈復詹尹勞咨詢朔
風如吼打窗紙中天皎月光流銀披衣秉燭報長句隔
巷喔喔雞鳴晨

附劉炯父書

忝來奉到惠贈長歌興來情往愈唱愈高如孤鶴淚
空九皋流韻循環雅誦何情之悄以深也感荷感荷
詩曰心乎愛矣遐不謂矣異日當補弁拙橐以誌交
誼曩以閣下爲詩人之傑今而知閣下爲有道之士

徒以詩人測閣下淺之乎視閣下然不以詩人測閣下亦淺之乎視閣下閣下蓋學道而深于詩者也嘗聞高雨農先生之言曰一見落落難合久而可親可敬者君子也與閣下交及朞矣愈久而愈敬信乎斯言不虛也夫古道往矣承學者昧溫柔敦厚之遺意相競爲支離餽釘狡獪浮靡之習描摹字句分別流派以之嘲弄風月則可耳其去詩教也實遠古之爲詩人者其立意不止自命爲詩人也陶靖節尙矣唐之李杜韓宋之蘇黃陸其德業氣節文章皆有上下

千古之概偶一流露卓卓以詩人名家而胸中浩然自得之趣千載下悠然想見其爲人是必忠孝植其根氣節敷其葉卽之而其光油然讀之而其聲鏘然天趣所發而道寓焉文以載道詩亦道之所寓富有日新是之謂大業聖門以詩爲雅言乃日用常行之道是何嘗有意於爲詩沾沾然自命爲詩人哉今讀閣下之詩醕古澹泊歸於自然齋莊而靜壹端慤而誠篤於家庭師友之間尋常贈答皆有真氣以載之殆非知道者不能閣下家門鼎盛樂與二三寒士訂

交以俗眼論之不過留心風雅之一善耳存仁辱閣
下契厚不敢以流俗投贈美閣下而以吾道之德業
望閣下士各有志讀其詩可以知閣下所志之實乎
獨遠矣昔敝鄉前輩李安溪相國有介弟曰光坡屏
居田野不以富貴動其心精易禮學晚受
九重特達之知稽古之榮莫可倫比

御賜詩有道探月窟天根裏人在清泉白石間之句
高風逸韻令人神往閣下亦今相國之貴介弟也以
今況昔毋乃類是頌不忘規自今以往願與閣下相

勛以樸學閣下其許我乎存仁伏處山野不獲交四方有道少時嘗受知一二耆宿以爲孺子可教長而衣奔食走愧悔無成昔年來京師自揣容貌不逾中人貲財不足結士大夫伏喙銷聲漠然無所遇頗聞潘四農梅伯言兩先生精古文不敢求見且性亦屈強私念閉門造車出門合轍果吾學有成古人皆尚友也世不多得韓荊州何必藉達官一言以取重蓋是時誤以兩先生爲達官而不知其爲長者今讀其書思欲一見而兩先生逝矣良自悔恨儻獲見吾書

執業門下以印證得失庶幾不在擯棄之列乎昨得
宗滌樓丈贈序勛以進修靈心忽啓今又得贈詩
愷惻纏綿沁入肺腑曹子桓有言年壽有時而盡未
若文章之無窮僕爲轉一語曰文章意氣有時而衰
未若道德之感人爲最切同游如穎叔少鶴繡山仲
穆南樵伯韓翰臣琴西蘋疇諸先生顯晦不同均學
道人也苟不鄙夷存仁俾垂老之年思奮其炳燭之
光豈不幸甚閣下居京師久交遍海內名公卿誠爲
天作之合存仁不徒歎閣下淵源之有自而歎閣下

天稟之異人能求足其好善不倦之量爲可敬也京
師名利之都府冠蓋交錯文酒徵逐豪雋固不乏人
而以一寒士參錯其間顏色憔悴誰復知其爲學道
者不圖楚然足音惠而好我故發其區區之愚以求
閣下之振聾發聵而已若夫科目之得失境地之迤
邐是有天定存仁老矣久不敢作牢騷抑鬱語矣他
日歸里茹蔬飲水以樂餘年屈數良友顯則見之事
業晦則藏之名山各有所得是卽彼此相勉之意也
謂閣下爲詩人也可不爲詩人也可斯真深於詩者

也珠玉在前不和無以爲報書之以表拳拳不覺拖
沓霜風甚厲惟眠食自愛爲道珍重不宜丙辰十一
月初九夜漏三下存仁頓首

讀劉炯父來書賦答三章

靈鵲噪我廬今日當有喜故人一紙來纏綿沁骨髓味
如諫果甘聲震里人耳整襟一展讀戰惕不能已努力
千載心相知弗予鄙伐木道久微要終視其始再拜吾
友言中夜三四起

老大昧干祿不如髻鬢真索居學日陋見異心多紛勳

業付時運篤念求先民悲哉念石子

山陽潘先生

孤壠埋荒

雲疑信就誰剖悔尤莫我聞收慮靜返視嚮往迷塗津
悠悠送日月默默慚

君親

用舍夫何常顯晦一幽獨插足天地間我心有林谷縞
紵感京華之子美如玉譬彼荆棘叢不礙幽蕙馥誓將
從之游性天養貞樸霜飆催景光凋顏苦不速毋忘茲
歲寒坐待一陽復

偶過龍泉寺

兼旬職事歎紛拏乞沐今朝客與賒雪意遠浮山一抹
鐘聲不隔路三叉齋前馴雀巡檐角松外閒僧試井華
茗坐暫教塵念淨寥天凝望幾飛鴉

汪仲穆約爲詩課

舊侶漸寥落天涯重遇君半生餘破硯萬事託孤雲同
抱名山業相期大雅羣纒絲樽酒約跋履踐宵分

棠谿劍歌

并序 消寒第一集
汪仲穆楊汀蘆分賦

棠谿卽棠谿古字通左氏定公五年傳闔閭之弟夫槩
奔楚爲棠谿氏所由昉也淮南脩務訓桓寬鹽鐵論論

勇篇及王充論衡劉勰新論皆舉棠谿劍事或以爲千金之價或與墨陽諸名劍並稱戰國時蘇秦說韓宣惠王已云韓卒之劍出于堂谿有陸斷牛馬水截鴻鴈之利則信乎爲天下之至寶也張揖廣雅釋堂谿爲劍名蓋如干將莫邪之以人存耳汝南吳房舊有棠谿亭見史記蘇秦傳及續漢書郡國志注爰詳攷之

純鉤湛盧未云貴曼胡短後焉足豪

庶人之劍垂曼胡之纓短後之衣莊

子見趙惠文王語

何如一劍出荆楚夫槩遺製千金操鏐精冶

良蓋南服淬若江上春波綠方城鄧林千騎逐底貢不

隨包茅屬茫茫汝水孤亭低吳房戰蹟寒烟迷豪情想
見蘇季子按圖指點思棠谿棠谿三尺蛟龍吼得失同
嘲弓在手屬鏤慘絕孤臣魂闔閭城遠休回首

次韻酬端木子疇

採

君家舊亭館今日屬何人分作營巢燕誰憐涸轍鱗勞
生餘簡翰傾蓋話情真鼓角天邊夢煙花歲序新旅愁
銷斗酒歡詠託比鄰迢遞平安火鐃歌盼早春

訪符南樵因同憩東華門外酒家

迢遞城闌路疲羸一訪君銜杯臨大道揮手易斜曛季

子田安在君苗硯未焚巍峩

天闕近樗散合論文

得伯兄書卻寄二首

番禺數千里努力此危疆

番禺負山阻險南北數千里見漢書南粵傳

萬姓

共肝膽孤城捍犬羊但憑心捧日休歎鬢多霜

用來書中語

來

覲他年事傾杯話海防

古有恆言義相將卻壽樽

十一月二十三日爲兄五十初度京師同人欲置樂舉觴

爲壽名禮力辭不可蓋兄意也

舊游時序遠皓首孔懷敦寢膳承顏笑

家父就養官廨松楸愴夢魂先母喻夫人見背今十四年矣知君瞻北極夙夜念

殊恩

兄于道光二十六年丙午巡撫廣東二十八年戊申恩封一等男世襲旋總制兩廣咸豐五

年乙卯九月拜協辦大學士之命即于十二月授體仁閣大學士

野遊暮歸

青山依舊向人妍
市野霜催黯澹天
葦曲風烟成暮景
酒樓鐙火逼凋年
閉門合作陳無已
卜隱終輸孟浩然
聊藉一廬容短膝
焚香掃地得安便

天慶宮觀元劉鑾塑象歌

天慶宮前後門閉置呼之不得入詢諸鄰右從

宮西巷中款戶乃達殿宇
蓋道士火居毘連宮地也

荒荒斜日明幽宮停車款戶無人逢來觀塑象值鄰叟
導我綦履旁舍通兩三道士奉香火升階啓鑰塵沙蒙
垂旒大帝端居冲環列辰宿光熊熊仰瞻已覺呼吸近
絕藝更指廊西東上元持簿胥吏恭恭座隅兼隸啞與聾
天聾地啞
二將神 真人戟手掀雙瞳秉法將祛妖燄克其餘瑣
綴悉精采媿殺俗匠塗青紅盧牟化象付搏埴炯然齊
現阿堵中龍漢不墮兵燹劫胚胎遠軼甃石銅西天法
度誰希蹤畫圖道子將毋同當時大都有二手是鑿非

元

宸語崇繚垣剝圯納風雨獨此綵飾矜神功同來游者

咸歎異維摩天柱難為容

唐楊惠之塑維摩象在天
柱寺蘇東坡子由俱有詩殘

松蕭槭響庭宇訪古思問陵川翁

或據元史方技傳劉
元謂鑾與元音近而

誤曰下舊聞載析津日記引元郝文忠公經陵川集有
燕四賢祠其象塑自劉鑾之語當別是一人今殿前乾

隆二十七年壬午
御製詩石刻辨正可釋眾疑矣

十二月初一夜書感

先母喻夫
人忌日

旨甘肅飮筵壺竿進春酒繚繞香篆間遺象瞻我母昨

聞漢江捷孤城可屯守

時聞官軍收
復武昌漢陽

黎庶思昇平矧乃

瘡痍久空悲舊游地春色遲

去聲

桃柳嗟我江上廬萬卷

化灰垢艱難值今日身外焉足有全家荷

殊恩兒敢念林藪母亡十四年寸腸結千紐戰後無音
書松楸渺回首悲哉一夕夢撫兒問寒否霜風號傲廬
驚定益慚忸一官等勞生食息負高厚蹙蹙老大傷耿
耿清夜咎

宋建炎六印歌

并序 以下消寒第二集名禮齋中作

銅印記六皆方形曰御營使司參贊軍事曰建炎諫官
之印曰建炎考城縣大馮村指使記曰建炎宿州軍資

庫記曰建炎宿州糧料院記五印結銜冠以年號爲從來印記所罕見蓋金人入汴諸印淪亡有司更鑄以別新舊其御營使司高宗卽位後所設官故不復識別宋史職官志建炎元年置御營司以宰相爲之其屬有參贊軍事以待從官兼南昌彭文勤公元瑞據徐夢莘三朝北盟會編建炎二年十二月戊寅禮部侍郎張浚曾兼是職作文考證甚覈相傳乾隆四十八年癸丑江南濬舊河自瓜州達於揚子橋初畚土得脩版二計五丈有奇木半腐宛然舟形中藏六印外有銀錯刀一箭鏃

數斛並陶器舟底滿貯石灰以備戰時灰瓶之用文勤
又據會編斷此爲建炎三年二月三日避兵渡江時所
遺舟乃魏公之舟印魏公之印其說信而有徵矣印爲
制府長白某公携來都門後流入市肆爲予家所得已
二十餘年矣

揚子江頭撾戰鼓官家馳入鎮江府鐘虞倉皇散不收
區區六印焉足數建炎冠首螭紋縈諫官者誰亡其名

宿州叛黨檄歸化

考宋史李成叛犯宿州
後來歸皆建炎初事

大馮指使巡

考城班秩崇卑徵署字

宋史輿服志長官
日印僚屬日記

年號識別矜

初例中央微蝕邊角完御營使司文特異設官肇自南
渡年魏公當日陪軍事富平符離事不終兩宮北狩黃
塵蒙腰間懸佩苦未久樓船一棄嗟無功

魏公以建炎二年十二月

戊寅兼御營參贊軍事據宋史三年二月壬子帝在揚
州聞金兵至馳幸鎮江府是日金兵過揚子橋癸丑游
騎至瓜洲太常少卿季陵奉太廟神主行金人追之失
太祖神主彭文勤公引三朝北盟會編云是時渡江至
瓜洲牐潮水未應而金人已至出牐得渡者十無二三
則是六月印當爲三年二月渡江時所遺也魏公以二年
十二月戊寅拜官失印在次

斷刀殘鏃委途路流波鳴

咽瓜洲渡轉眼滄桑曾幾時摩挲遺物猶如故偏安國

勢殊紛紜舒生執藝徒辛勤

三朝北盟會編高宗得書
匠舒通能刊金銀銅圖書

取鏤塵白字令
刊白文為璽

黃金斗大等閒事玉押誰尋十五君

宋

五帝御押見周
密癸辛雜志

犀楂歌

此亦家藏物

我聞明犀可辟水破為觥船器逾美酒鱗澁漱春波濃

乘楂使者來萬里角音屬木參五行老農時取山澤精

見考工記
角人注

謫仙癭瓢久云朽

見太
白詩

陰厓彷彿千年形黝

然深秘自奇古筋理痕具莓苔青剜中彭亨傲石鼎巧

匠雕鑿侔天成支機片石載將返探源星宿窮滄瀛皮

家鬻樽杆自謂

五雜俎皮襲美
以鬻魚鼓為樽

鷓鴣鸚鵡分呈形何如

此物醑鱸爵

周禮地官鱸槿注鱸用酒其爵以兕角爲之

鬚然一握能通靈

大都昔傳鍛銀製奎章席上誇盛事寂寞碧山幾百年

人間何處求雙鯉

元至正時銀工朱華玉字碧山所製銀植名于世高澹人詹事士奇苑西

集云虞揭二公各令碧山製植考道園曼碩二公同時官奎章閣

寒齋讌飲喧眾賓傳

觀快盡香醪醕江關烽火勞醉望堅甲安得三千軍

歲暮散直

盲風不成雪欵忽又殘年老樹欹寒色荒廚黯夕煙
嶮人事改蕭散醉游便好待西山雪奚囊趁錦韉

慈仁寺傳凱亭畫勝果妙音圖

西方廣大真威儀閭陽布衣偶得之繭紙逾丈不在眼
揎袖濡指何淋漓此圖舊皮毘盧閣百年保守未零落
空堂肅肅雲氣流白晝沈沈天籟作釋迦指示迷途津
非絲非竹超凡塵眾生一切忘聲聞匠心慘淡風中輪
妙光湧現皆智慧曹衣吳帶猶餘事夜深彷彿神鬼朝
祇林月落風蕭騷

偶成

陡覺連朝靜偏于晏起宜偷閑聊屏迹遣睡偶鈔詩樂
意巡檐雀春心老樹枝正深時雪望況聽捷書馳

時官軍收

復黃州及各州縣

敦風好齋詩續編卷五終

男恩頤謹編

敦夙好齋詩續編卷六

丁巳正月
至六月

漢陽葉名澧翰源著

薇省二集六

元旦試筆

畫屏迴夢曉鐘撞游宦心情未肯降銅馬遙宣

中禁鑰玉蟲猶綴昨宵釭及時煙雨商吟屐計日絲纏

送酒釭

兒子恩願
時將授室

翹首

君親惟自勵願將饒吹譜新腔

元日慈仁寺遇汪仲翁齋飯

停車入蕭寺忽與故人逢暫就香厨飯同聽上界鐘有時栖白鶴無恙對青松大道塵飛遠幽尋幾客蹤

酬劉炯父除日見贈

腐儒情緒逼中年華髮蕭疏漸滿顛挾策半生思報國

讀書今日漸知天

來詩有知非各問年之句

列筵白獸催人易擲牝

黃金黯自憐惆悵當時風雨伴千秋何以慰重泉

炯父欲編

次同人詩爲一集固語及黃香銀張亨父兩君皆舊交也

飲尹杏農禮部

耕雲宅

開歲忽三日故人招此觴暮天瞻雪意粉壁動花光

陸

有魯通父畫梅數幅甚佳
暫遣醅醕醉從教鬢髮蒼吾曹須努力不
朽豈詞章

厥肆遇朝鮮吳亦梅酒閒口占

春城昨年別別後相思否斜日海王村脈脈一樽酒

新歲得魯通父書各寄

時以所刻晉王右軍年譜見貽

上國倦游後還家且閉關千觴渾未醉一卷手頻刪江
表殘年逼軍聲驛路艱因思王內史禊飲那能攀

人日偕孔繡山同年邀吳亦梅

慶錫

安桐齋

圭雨

從事暨汪仲穆朱伯韓劉炯父符南樵何青士許

海秋楊汀蘆蔣叔起程稚蘅集飲衍聖公邸

閩闔天開霽景融上公邸第一樽同五都文物茲佳日

二客冠裳有古風索句爭傳晁監美通詞不數葉河工

揚鞭歸訊關門路回首離情付畫中

屬稚蘅作人日題詩圖贈行

李藕船以日本富士山茶見寄云得自友人者賦

二絕句答之

故人知我飲成癖一撮分來抵月圓遙想擎甌坐相憶

打窗風雨夜鐙寒

用來詩意

富士山前地幾弓茗花摘去送天風安排石鼎呼童煮

大海瀾迴一霎中

疊韻再答劉炯父

鴈後花前感歲年
簪來綵勝不妨顛
金門迹寄呼朋樂
紫陌春凝望遠天
舉酒難銷豪氣縱
閉關相望古人憐
多君貺我安心法
好似瓊瑤漱石泉

初春雪中東華門北酒樓遠望

漫天風雪作春寒
強策轅駒力欲殫
到眼青帘謀一醉
翠微山色倚樓看

次韻答朱伯韓

詩筒不厭互酬賡懷抱逢君更細傾栗里當年耽酒德
步兵餘興寄尊羹江湖浩浩舟誰濟燈火離離劍自橫
莫負春秋好時節招尋張丈喚殷兄
白香山歲日家宴詩笑呼張丈喚殷兄

湓城行述靜海令方君月樵炳奎母陳太孺人事

題畫圖後

湓城白浪高於屋千村萬落翻地軸一棺飄泊危亭間
手攜孤兒撫棺哭妾心上訴蒼天哀皖公山下營一坏
短檠垂燼兒罷讀歷歷回首形神摧孤兒那識平生事

密線庚庚糴母臂不惜將身效鄆人天陰雨溼創痕漬
兒今上策登天衢出宰百里專城居欲酬母德視圖畫
夢魂恍在宮亭湖

上元前一日雪後赴許海秋蔣叔起二君之招

霽餘孤月可中庭耐夜奇寒憶酒瓶殘雪遙明干瓦白
曉峰忽送半城青畢生事業爭名實佳日壺觴幾醉醒
休沐還期高會接張南周北總忘形

劉玉階戶部

翊泰

索賦安園古松詩

園在金陵國初爲靖逆

侯張勇所建乾隆間始
改今名玉階舊居也

名園曾是通侯第老樹渾忘始種年卧聽蒼檣常几畔
招來白鶴舞樽前河山渺渺經時別風雨寥寥少信傳
今日逢君感游宦故居回首尚烽煙

贈楊汀鷺

帝邦萃冠蓋衰盛相乘除悠悠四十載瞥若浮雲徂亦
有平生親羞逐夸毗徒晚更與君遇高論追皇初君學
有師授詎以佔畢拘餘藝及詞翰粲粲千明珠接席密
形影精理甯相殊願昌素所蘊扶世爲通儒嗟我困曹
昧亡羊悲失途遐慕樂羣義歌詠爲歡娛

金貞祐省差銅印詩

并序

印方形今尺縱廣一寸六分篆文凡六字曰省差官字之印背有貞祐三年五月行宮禮部造十一字貞祐爲金宣宗年號三年歲次乙亥南遷汴京之次年也故有行宮禮部之稱則省差當卽是時所置考赫舍哩約赫德

原作紇石烈牙

吾塔今譯改

傳云以銀符佩妓往州郡取賕州將

之妻皆遠迎迓號省差行省厚賄之御史康錫上章劾之朝廷竟不治其罪當時政令委瑣驛傳騷動可概見矣曰官字者所以編列字號非別有取義也今藏博爾

濟吉特厚庵戶部錫濱家

省差置官前未聞金源末造徒紛紛盧鼓椎子牙吾塔

山東淮北威名尊

約赫德傳云在剛悍好用鼓椎擊人世稱曰盧鼓椎

銀符火急

駭郵傳侍兒左右工驕煽私賂爭先州將金官家不報

臺臣諫明駝滿載三千裘

貞祐遷汴用駝三千頭載犀玉瑪瑙等器見大金國志

汴州南走天茫茫可憐此印最權要沙埋紅沅螭痕蒼

君不見行都更有提控所倉皇休問萬熊虎

金有熊虎軍見圖克

坦烏登傳圖克坦烏登

秀峰舊物今遺誰

乾隆年間汪秀峰工部啓

原作徒單兀典今譯改淑得一印曰提控所菜字印背有興定元年九月行宮禮部造興定宣宗改元年號

爲君歌詠還

興悲

錢辛楣詹事

大听

十駕齋養新錄謂汪秀峰所得提

控所菜字印菜字取周興嗣千字文編號及檢通州

馮晏海丈

雲鵬

所輯金索載金印數事內有副統約

字之印

背有元光二年行宮禮部造宮作官而仍其誤者蓋軍命急遽不暇細詳也元光亦宣宗

改元

成字都統所印

正大四年十一月行宮禮部造正大哀宗年號

提控所

維字印

不著年號

與此省差官字相證益見詹事之說信

而有徵史言泰和八年勅殿前都檢點司鑄印以金

木水火土五字爲號猶是章宗朝事其時未議及南

遷也至宣宗貞祐以後行宮所用稍變其何以防詐
僞當不復取金木水火土五字爲號矣史中屢見提
控字未有以爲專署者本養新錄南遷後鑄印頒行厥職
綦重使臣奉命紛紛四出提控所之與省差何以異
哉附記

張芑堂徵君

燕昌

金石契官印有都統出字之印

背有

正大五年五月
恆山公府造

瞿木夫通判

中溶

據金史恆山公爲

武仙貞祐之亂羣雄蜂起同時封公者九而武仙爲
最强稱恆山公府造則此都統乃武仙所置之官又

云出字者想彼時官無定員都統非一人聊繫字號
以示區別其說可相參證蓋金自貞祐以後朝廷設
職旣無定額而臣下置官鑄印僭妄殊甚並彼時行
官禮部用千字文編號而亦效之然則省差下用官
字非別有取義更無可疑冊中題跋有謂官字字爲
銓記者非是得此數證足以補正史所未及也又記

胡兼山

垠

屬題鴈蕩尋夢圖

并序

胡氏世居浙之樂清地近鴈宕中徙郡城皆奮迹戎行
後銘齋翁復卜宅平陽龍湖去南鴈宕三十里嘗游武

林吳門以治生爲業次君從焉而命長君兼山專事儒
翁少未學性喜與文士交日述古人嘉言懿行以爲樂
道光己酉春夢游鴈宕諸勝平生未一至也爲其長君
述之是年七月無疾而逝殆其讖歟兼山追思夙昔繪
爲是圖附翁遺事云

閉關三日神孤醒趾離導我窮杳冥平生游屐未曾到
覺來一一皆眞形天闕山高詆蕩蕩龍湫倒瀉飛泉漲
金銀態壯紛陸離聳身絕際成怙悵謝家客兒缺題句
稽首天公荷幽貺先生豈是尋常傳瞥然撒手還神邱

丹霄舊侶遙相求羽觴一醉三千秋松風萬頃鳴颼颼
精靈恍惚巖壑游奇峰百二誰所繪煙霞縹緲望中對
昔時賓客今幾人潛焉執卷惟兒輩一泉一石空追慕
羲畫靜悟天人初兼山精易學先生下視當軒渠頭白孤兒
能讀書

以詩索吳亦梅畫楓嶽圖

楓嶽爲海東名山亦名金剛山朝鮮竹石山人

徐榮輔著有楓嶽記

楓嶽好山水遙遙滄海東何人闢靈境終古倚溟濛策

馬君將遠支筇孰與同相思傳藻繪萬里聽天風

山有萬二

千峰亦梅嘗游其地因
自號萬二千峰樵者

次韻答朱伯韓

勝會南皮已不聞交游回首等煙雲
天涯有客能高詠今日依然張我軍
何處林泉許投紱半生鉛槧抵殊勳

素心更與江東彥

謂楊汀蘆時館名澧處

翦燭西窗一憶君

新羅真興王北狩定界石刻殘字

并序

朝鮮趙雲石

寅承

金石攷載陳光大二年新羅真興王

北狩碑在咸鏡道咸通府

原注沃沮古地

草芳院今泐名澧案

東國史略真興王建元鴻濟在位三十七年以陳太建

八年薨末年薙髮披僧衣自號法雲妃亦爲尼今據碑
有隨駕沙門法藏慧忍等語是卽奉佛之證王立于梁
大同六年是時武帝方尊崇象教羣臣藉以頌揚功德
則王之棄位爲僧有自來矣拓本爲吳亦梅從事所贈
咸鏡道咸通府草芳院中殘字古誓鄰國隨沙門鄰國

誓信

亦碑中語說法今現王者身南朝是時梁武帝紛紛寺觀求

舍利新羅史缺來朝文奇祥天子同風地

史略新羅王拾新宮爲皇

龍寺鑄丈六象注云初黃龍見其地因捨爲寺拌將嘉耦歸僧伽捨身同泰更

何異扶餘百濟環相攻北狩當日矜酬庸飄零文獻憑

石墨千秋遺憾王與翁

王蘭泉侍郎和翁覃溪閣部方網著錄中未及此種彼時尙未

出土也

酬李研香從事

正懋

兼送別

歧途一招手爾汝託忘形
守道持孤詣清言契性靈
征雲浮海碧春草及關青
僅續平原約驪歌爲我停

酬李錦農從事

正愚

飄然東海客今日謫仙人
執手情難已當春句有神
臨風對華髮看月阻重闌
何以酬知己高歌不厭真

二月望前一日獨游慈仁寺暮歸東汪仲穆

連旬別招提計候屆春仲苦畏車馬煩孰引山澤夢
性詣幽僻放懷極孤縱禪扉闌無人老僧坐持誦庭柯
茂生機苞萼含餘凍氣和一靜轉鬱極百昌貢循思往
復理遐哉貞元用密龕磬響遙淨宇鳥歸眾片雲如我
隨皓月莫能共緘詩貽故人去路悵鞭鞚

次韻許海秋二月十五夜酒樓之作

不著從事衫輒思吏部甕百年一儒冠餘情寓孤颿
脈春意遲得得鳥羣弄際瘁山桃稀含蘂湖柳凍不歎
北士寒孰慰南雲痛江聲千壘荒世事兩丸送雨暘欲

問天飢溺今已眾想君酒樓夕萬象如月洞莊舄休悲
吟華胥乃枉夢

二月十九日同人集慈仁寺齋飯

佛堂鐘磬遠隨眾詠維摩

詠維摩爲齊永明時是日故事見法苑珠林

密坐

聞松籟清齋卻酒魔

是日未設酒

野桃空自媚山鳥漸能歌

靜極渾忘倦沈沈日影鏗

三月三日顧先生祠致祭集飲

顧君舊祠宇孰令委蒿蓬今日冠裳集斯文禊飲中精

靈猶逆旅花木自春風一片青山石韓陵事許同

亭林先生

祠在報國大慈仁寺側西室東嚮三楹兩廡各五北以
度書板南以備燕集修成不數年兩廡皆隕圯不復治
名禮因與汪仲穆孔繡山議稍陞舊制贊輒爲垣其末
楠餘材悉以予寺僧僧鳩工葺理旬日而畢朱伯韓爲
記王少鶴書之名禮
捐貲刻石嵌諸祠壁

鸚鵡杯十八韻

列筵錯觥籌有器類鸚鵡形共鸕杓珍品偕雞彝古襲
名混隴山異產惟海浦淺暈燕支痕錯認翡翠侶合賦

青蓮詩如見金母舉

瑯嬛記金母召羣仙宴於赤水坐
有碧玉鸚鵡杯欲飲則杯自舉

孕珠夜騰輝登網曉鳴觴游泳浮藻荇爛熳出沙土測
蠡納須彌吞鯨快腸腑流涎饞口逢拂指香氣吐兩鬲

連環通盈觴屈曲貯拍拍任當筵翾翾譬流羽左右隨

盤旋低昂舒翼拊於禁世莫傳哥汝神爲沮不逢蜀王

丹

蜀記蜀王有鸚鵡舟

孰過禰生鼓摩挲兼鎰崇溫賦良玉剖金

龜懷舊游白獸感芳序行典司馬裘更就浮梁酤

浮梁浮蛆

酒脂也見清異錄

九墨哦新詩機雲或相許

借用陸雲與兄書中送二螺事

題劉炯父綠天譚藝圖

書堂風蕭蕭參差萬綠影皋比坐忘疲中天日方永童
冠紛滿前各以所業請朗抱涵古今孤花坼幽靜芸芸
天地間生意此中領

贈胡心耘時將歸吳下

蹤迹幾人問蕭然惟此心
煙花騰廣陌風雨費孤吟
小

住行將別殘春感獨深
還家謝塵事鉛槧好相尋

心耘續刊

叢書尙未竣事

清明日劉炯父符南樵孔繡山三君招同陶鳧香

丈高寄泉

繼珩

汪仲穆朱伯韓王少鶴林穎叔集

飲

天桃細柳弄春晴那禁餘寒撲面迎
相覓故人謀熟醉
自離江國幾清明
軍聲回望風煙苦
宦味深嘗雪鬢盈

但得歲時佳興共不辭健步更郊行

三月二十一日王少鶴錫振招同宗滌父稷辰劉

炯父存仁朱伯韓琦符南樵葆森孔繡山憲彝林

穎叔壽圖祭梅伯言丈曾亮爲位於城南龍樹寺

蓋距丈歿一載有餘後二日其生辰也得詩二首

先生家金陵與我夙鄉里昔侍大父言時及抱村子我

家徙江漢曾未百年耳鬱鬱梅花繁蒼蒼松陰美扁舟

詢墓門遺聞在桑梓君翁善款客雞黍情何已泊君列

朝籍爲我說終始投歸年未衰流光付彈指奈何別後

書潄潄淚盈紙

先高祖浣文公墓在江寧縣治虎嘯山千頭松高祖妣徐太恭人墓在小塘山

陳家園前曾祖妣汪太夫人墓在上元縣治七里溝梅花山尊甫抱村先生冲與先大父至交大父省墓金陵恆止宿

君家

惜抱富高業君乃升其堂一編柏規集冰雪含幽光早

獻明堂詩晚歌同谷章遭遇那足異不朽心孔傷宿草

愁遠道生芻誰與將爰尋歐蘇例

永叔東坡兩公生日少鶴每招同人設祀

賦爲君陳一觴纏綿故交誼來饗蕭寺旁名山受經地

干戈猶戰場再拜飫餘胙南望愁中腸

桐城姚惜抱郎中孫主講鍾山

書院君從游日久遂傳其學君自著詩文曰柏規山房集凡三十餘卷

酬高寄泉

繼珩二首

燕趙古來地如君真丈夫
裹糧曾練士挾策尙爲儒
百里休深嘅孤吟且自娛
平生殷許國那用守鄉隅

落落城西寺依依祓禊聲
名著疇曩邂逅歎華顛

今年

上巳日予始識君於慈仁寺

燈火僑居近干戈望眼懸
毋爲章句困

倚醉看龍淵

汪仲穆來訪遂邀同游崇效花之二寺晚飲酒肆

風伯作勢天不用低首銅街十丈土閉門孤負城南春
零落酒徒只三五酒徒聚散猶蓬萍咫尺不見愁滄溟

汪侯與我三日別蒲牢一吼重閣聽胡爲鬱鬱常不樂
終朝枯坐酬影形城南三月煙草青天桃穠李交騰馨
一飲千榼不用醒白衣蒼狗歸窅冥眼中有客皆知音

謂坐間朱伯韓
楊汀鷺兩君

夕陽黯黯逼星斗入市聊尋紀家叟興

酣劍舞蛟龍走來日大難更何有著述正可名山守君不

見棗花寺外車馬稀豐宜海棠愁空枝祇林盛衰尙如

此人生富貴焉用爲

崇效寺在白紙坊南舊時東花最盛
花之寺卽三官廟在右安門外

金之豐
宜門也

海淀大樹庵殿閣僅存有海棠兩株花時最盛林

穎叔工部

壽圖

下直偶過其地感賦長歌次韻奉

和

郊西荒寺塵苔封物華
逞媚招蝶蜂庭宇誕漫迷青紅
世尊坐受花雨供廊欹檻朽
愁飛蓬仙官退直蓬萊峰
追溯輪奐思良工殘鈴殿角聞
丁東雙柯惆悵花霧
濃冬春長養倚天脊陰陽向背
羞雷同當年臺省諸詩
翁朝回花底傾千鍾望之莫卽成
獨往頃刻頓覺禪心
逢砉然解脫浮雲空眞境奚假
金碧豐西山儼住許支
輩共君往策羸驂慵

過龍樹寺

淩虛好樓閣旬日更來游
遠水浮新荻微風試乳鳩
鐘魚不聞響雲物此閑幽
莫惆青春晚萍蹤自去留

三月二十七日同朱伯韓孔繡山王少鶴邀何子

貞紹基宗滌甫符南樵劉炯甫材穎叔朱眉君鑑

成集慈仁寺子貞時甫至都

招提今日又壺觴指點前蹤付杳茫已酉夏與子貞集此地時張石州未

下世也無那中年有離聚等閒花事度春陽閒官姓字因

詩著江國風濤入夢長獨羨蜀轡賢使者峨嵋人物一

奚囊

子貞督學四川罷官
後游峨嵋得詩甚多

三月晦日陶庵香丈招同人集飲慈仁寺

鐘魚寂寂國西寺一抹遙山展橫翠
餞春車馬翩然來誰其主者神仙吏
蒼濤謾謾鳴雙松綠陰庭榭飛雨紅
酒龍詩虎各懷抱懺除綺語隨東風

四月二日汪仲穆齋中遇符南樵劉炯甫同游天
慶宮訪陳作梅鼎於半幅園邀朱伯韓楊汀鷺飲

於酒肆汀鷺先歸因偕諸君出西直門至極樂萬
壽二寺乃返得詩三首

三目不治官文書故人相勸提壺盧

仲穆

道逢二子笑把

臂

南樵
炯甫

桃花落徧尋元都西安門西好亭館中有一士

如僧癯

作梅

蒲團兀兀坐晨夕胡弗轟飲爲歡娛瓦盆倒

盡歌響盈西山濃翠流天隅

青天大道春蓬蓬游絲百尺蟠晴空閒門車馬趁亭午

一株獨倚禪堂東嫣然迴睎十五女意態離合霞光中

極樂寺千葉
桃花正開

高粱河水響環玦參差軌迹塵沙蒙繡羅

衣裳耀泉石廣廊噴霧迷蝶蜂摩霄栝柏吼層籟去鳥

驚閃斜陽紅

萬壽寺游會
士女甚眾

詞壇健者紫陽裔

韓作

抽管請以茲游記蘭亭梓澤人已

空針芥相尋有吾輩朱門鼎鼎梁肉鮮不若清泉濯心

肺鼠姑未夢紅藥瘦熏風爛漫期共醉春心一縱不可

羈乞米金門等閒事眼前景物夸楊侯

汀鷺

關門矐黑促

歸騎

烈女張重姑行

并序

張烈女重姑潛江人字江陵儒童鄭本功婚有日矣而
本功殤女聞之飲泣不語家人勸弗聽絕粒五日不死
私碎金物取吞之乃斃時咸豐六年丙辰六月也先是

女母胡夫亡子弗育遺一女卽重姑胡抱女投繯以殉
事在道光二十三年癸卯重姑甫五齡耳本功從兄春
農學正 玉本 敘事徵詩

潛江有淑女張氏名重姑幼齡字於鄭阿母悲已徂鄭
生善屬文昂昂千里駒家無卓錫地負笈求師儒人言
兩美合羔鴈方載塗罡風胡不仁翼折將誰呼寒鐙伴
機杼慘慘閨中姝毀我匣中衣脫我耳畔珠上無白髮
親下無黃口俱折釵充鉤吻斷腸完我軀獨爾匹不成
白石心莫渝含笑就泉壤見我母與夫阿母亦可哀盛

年謝紅襦畢命青絲繩大義昭里閭癸卯三月事距今
十載餘覩縷更相及以待良史書

曉過長椿寺

迤邐城西寺山門逐徑斜禪心承曉磬春色駐餘花偶
坐依僧靜忘機覺鳥譁何因喚龍子灑雨息驚沙

時方久旱

直廬喜雨

四月八日

炎曦斂中庭同雲掄上聲遙陸車馬忘我勞樓閣森若沐

際曉涵氣清彌夜張勢速良辰迫朱明眾望騰霖霖潤
既沃壤蒸澤始畿甸足亟思災沴消庶見泰元復

一人抱痼癖百爾警荒黷及茲慶轉鈞大哉靡弗育珥
筆歌歲豐無忝太倉祿

楊烈女辭四解

河南涉縣人其父爲蘭士戶部三珠

娟娟兔絲花松折焉所託落落匏瓜星不如空倉雀

解一

此身既許人義乃從一死飲淚須臾間萬事如敝屣

解二

車騎何填填旄旆何閃閃叩焚高于天夢中不知險

解三

持我青絲繩言尋黃泉下魂兮儻來歸含悲向阿父

解四

初夏訪符南樵半畝園

昔賢觴詠地門巷倚煙蘿有客經春住期予策馬過餘

花耐遲莫高柳尙婆娑

園中垂柳一株傳爲國初時物

昨夜風兼雨

詩心奈汝何

雨中訪孔繡山

繡山疾初瘳

鳴鳩聲不止迢遞路三叉
細雨殘春節重闌薄笨車
浹旬成契闊一病惜芳華
底事愁腸繞城南酒用賒

汪仲穆齋中坐雨牡丹初開

詩老晝無事高齋清若空
薄雲收午日連雨潤花叢
眷此韶光晚相依客緒同
傍郊煙景遠料理舊青驄

立夏後一日同汪仲穆劉炯父許海秋李子衡

汝

釣酒後出阜城門至八里莊摩訶庵慈壽寺小憩
歸途有作四首

言纈郊原游壺觴趁佳日旣雨呈眾妍已覺客心逸識
泉駝自鳴投林鳥飛疾聊用宣夙懷升高覽雲物

西山敞精藍夙昔盛香火不見摩訶庵荒碑峙道左歲
遠僧室欹覆以松磊砢桔槔寂無聲花時映婀娜

塔勢撐重霄風吹寶鐸語憶昨秋初天長廊坐飛雨鬱
鬱娑羅枝含苞已千縷老僧舊聞繁勝國委鐘鼓

維

皇肅雱禱天假靈雨功欲覩斯民康焉計官卑崇國門
路盤盤日落陰雲濛回瞻翠微際恍惚騰蚪龍

題孔宥函

繼錄

長江感逝圖詩後

并序

鄱陽陳伯游

方海

僑寓金陵咸豐三年城陷抱石沈江

死逾年有雨渡揚子招而哭之作此圖並系以詩名澧
于近刻于南詩錄見之因題其後以弔伯游

白門可終老中歲忽兵戈一死侔精衛孤魂訴汨羅妻
孥音信渺文字散亡多想見圖成後悲風捲逝波

四月十五日蔣叔起刑部招爲郊外遊大風不果

遂至淨業湖上寺樓遠眺

疾風暗狂沙阻我郊原行
夙狀徵逐迹渴企烟水迎故

人有同嗜相期濯塵纓爰招晉陵客

汪仲穆

並轡循高城

峰翠俯闔市隄路莽迴縈曠然一蕭寺剝啄僧侶驚雲
物動樓檻頃刻難爲名曖曖湖水外蕭瑟金碧明坐深
欲忘返時復清鐘鳴緇衣每多感華鬢亦已盈猿鳥負
前諾簪組牽世情用結文字雅良日懷酬賡

寄胡東谷

戰後汝何似淒然定孰依風烟想茅屋江郭自斜暉耆

舊幾人健桑麻萬井非天南一回顧或冀夢來歸

退歸

百歲難終究勞勞車馬音浮雲僥變態清夜叩身心詩
酒狂名倚煙霞昔夢尋退歸足高枕落寞一山林

訪張竹汀刑部有贈

轅車已云駕將作公府趨故人款門至談笑騰軒渠昔
年濱湘客太息多黃墟汾海秋陳筠心存者亦天末兵

革愁江湖

左景喬楊性農
孫芝房諸君

共君冠蓋場泊然忘其愚窮

巷罕延接老樹青扶疏寂寂燈火中俛仰惟荒廬時艱

苦袖手倚醉哦陰符空懷司州舞休問秋風鱸

病初愈同楊汀鷺朱伯韓小酌

雨餘郊遠不及挈樽游閉戶知春盡經旬賴疾瘳故人不予棄一醉豈身謀各有無窮事中宵撫荆綬

題吳彤雲舍人

大廷

匹馬出關圖

彤雲曾出山海關至奉天

東望萬重山蒼茫去路艱書生樂行役一騎覽雄關地險雲霞茂時清驛堠閒相逢詢舊事歷歷畫圖間

閏月二十八日王子梅招集慈仁寺何子貞作詩

紀事因次其韻

亭林先生生辰爲五月二十八日每歲設祭祠中名禮必與焉

解鞍松下晚來憩三旬回溯祠屋祭先生一去二百年
私淑幸許吾曹侍崑山人士崇經師俎豆未展懸弧期
生辰逢閏事亦偶一觴聊復斟酌之蒼濤謾謾雲陰集
折柳炊羹曾幾日西風催雨歸掩門兀坐挑鐙叩殘帙
江甯韓介孫官崑山儒學時率同人建顧亭林先生祠
春秋致祭而生日則未舉也介孫探得未刻文十五篇
出以見示

癰二十四韻

暑氣方蘊隆相感癰爲虐或云溼熱蒸厥由暑寒搏疣
贅象則殊族縈證匪錯

素問汗出見濕乃生癰癰說文
無癰字瘰小腫也一日族縈

的的苞暈敷稍稍煩痒作粟非聳肩寒芒驚刺背惡肘
腋漸蔓滋左右侔繭縛密布星雜陳貫串珠結絡枯皮
爛雲霞豐肌簇鋸鏑正憂蟲虻嚼何異蠱蜂蠹羽扇難
爲功竹簟苦無著因風倏隱見流汗更磅礴爬搔不辭
頻澡沐未能卻夙慕七盃煎兼嗜百觴酌屏棄詎免災
沈酣此焉託腰腹嘲空肥營衛致柔弱歆鬱偶逼人瘞
癰忽紛若今歲矧奇閏甚旱異疇昨童稚尤紛呶炎官
倍凌躁何處涼颿來立使秋爽拓去如膜試錕疾比風
掃蕩較勝司馬痾

司馬膺之
見北齊書

休變齊侯瘳甯以瘡癥微

損我心志樂累旬肆發宣六脈賴清廓請待商節深可
以占勿藥

六月十二日宋黃文節公生辰林穎叔工部招同
宗滌父給事何子貞編修朱伯韓監司劉炯父大
令孔繡山舍人王少鶴戶部設祀寓邸卽席分得
學字

幼誦涪翁詩哆口云可學卅載仍茫然牛毛遜麟角公
詩稱大邦曹鄴羞齷齪世人喜耳食險韻鬪巧斲公平
金玉姿埃穢滌鑛璞生藉黨籍傳沒以文苑卓垂老投

瘁癘寸心自犖犖詩龕重圖象風流貺後覺

穎叔假子所藏公象

同人瞻伍堯梧門

辦香得林君覃思望縣邈沈水氣寓

祭酒法式善舊物

禪見公集中有惠江注酒魁盈握

公謝楊景山送酒器詩楊君喜我梨花盞

卻念初無注酒魁任注蜀之酒魁蓋詩人酌以大斗之遺制

招賓爲公壽一堂共騰

蹕鰕生歎楊腹相從勉獵較酣醉傾碧甬火雲儼成幄

雙井美孰貽南樓涼可捉思公四印語肱折那嫌數

養生

四印忍默平直又我肱三折得此醫公贈送張叔和詩中語也

讀鄧嶰筠督部丈

廷楨

遺集

韻學紛紛沈隱侯獨將舊語別鉤輅

公官安徽時與友朋講求雙聲疊韻

之學集中有詩謂鉤輅聲詩未許輕餘技賓從當年
韻乃唐韻非古其說最審

自勝游萬里天山摧客鬢一江春水記歌頭殷勤更說

諸藩事撫馭何人念遠謀

公有蒙古諸部述略于青海部中有番眾難馭之語固早

先見及之矣

六月二十一日宋歐陽文忠公生辰白蘭巖禮部

恩佑

王少鶴戶部設祀滁州畫象於慈仁寺與會

者祁春浦相國張詩舲侍郎宗滌父給事何子貞

編修孔繡山舍人林穎叔工部暨名澧凡九人朱

伯韓監司劉炯父大令以事未至分韻得有字蓋

立秋前三日也

今年拜歐公迺在立秋後好事得兩君卜地具尊自復

瞻滁州象晴日照窗牖古墨煥光采眾賓贊盈口卻憶

松筠菴風雨悵陰黜

去年是日大雨少鶴穎叔雨君招名禮暨同人祀公於松筠菴

于

斯寒燠遷頓悟今古久就筵受餘胙高歌酌大斗鳴蜩

厲闌暑雜樹蔭叢畝蔚然庭戶間宛若倨林阜太息茲

梵刹寂處屏塵垢歲時車馬繁祠祀蔣山叟

顧亭林先生嘗自署

日蔣山傭

顧叟嗜公深日知託尙友精靈倘相逢疑義或可

剖

日知錄于歐陽公心所折服新唐書諸志以爲有裁斷帝紀略有所訂正爲人後者爲其父母則以公濮

議爲不更嗟我生遲弗獲資訓誘嚮往表寸衷黽勉時然也

矯首所幸浮屠宮吾輩利所有奉公作椎輪廣爲昔賢壽

送雷少泉

春沼

之鶴峰州學官任

長安市上感孤斟歸去猶堪舊業尋學舍幾間成宦隱
讀書有願是山林靈均宅遠騷人淚爾雅臺荒旅客心
腰下龍泉閒未得關河東望一沈吟

題符南樵半畝園訂詩圖

半畝園爲完顏侍郎麟慶故宅南樵館其家選

詩百卷曰國朝正雅集以續沈歸愚尙書別裁之後

完顏舊宅

禁城偏有客殷勤手一編往日風騷如可作異時文獻
藉茲傳園花林鳥相酬酢玉敦珠槃自歲年不見歸慰
老尊宿聊將心事慰前賢

題宗滌父前輩浩然爲御卷子

先生高卧古槐下倏忽雲車與風馬突焉一士胡爲來
導君行兮莽蒼野青天高高重關深齊州九點煙浮陰
似夢非夢覺非覺庖犧一卷知我心

君方治周易

韓介孫

印

屬題其大父介堂丈華屏書屋圖用侯

青甫翁

雲松

韻

華屏在黃山介堂丈名廷秀乾隆庚戌科進士與先大父給事公爲

同年

友

萬峰雲氣一筇孤爲愛幽居不厭紆當日名山欲長往
百年遺澤賸披圖伯孫舊事悲難盡

晉書范喬字伯孫

文舉通

家誼未殊試問華屏好風景烽煙留得草堂無

題韓介孫玉峰畫冊

玉峰吾未到神往翠微間好景煩圖畫斯人詎等閒歌
吟一陳迹學舍此名山秋水吳淞路年來只夢還

挽陶冕香侍郎丈

每于座上誦詩新愛我何如韋丈真垂老心情猶昔日
累朝掌故屬斯人雲霄寂寞鵷鸞侶煙月低徊杖履辰
一望秋風歸旆遠吳天楓落最傷神

秋夜不寐

秋至轉炎溽難于旅枕親開軒遲風籟小坐視星辰骨
肉久言別兵戈信莫真委蛇大夫後祇自歎勞薪

柳如是畫象

李小涵刑部
景曾所藏

我聞室裏閔滄桑莫問投壺縱博場豔影依稀紅拂女
仙才零落玉卮孃拈來殘豆增愁思懣到名經愛淡妝

一角茸城留本事春痕猶認永豐坊

陳其年婦人集人日河東君風流放

誕是永豐坊底物錢尚書築我聞室以居之嘗于鴛湖舟中贈詩有投壺爭博之句又本事詩後集茸城詩納

河東君所作

觀音院東園有感

水風蕭瑟拂高槐徙倚荒園暮色催
十八年前樽酒地停車惟我一人來

敦夙好齋詩續編卷六終

男恩頤謹編